

ԲՈՒՀԻ ՀԵՌԱԿԱ ՈՒՍՈՒՑՄԱՆ  
ԸՆԴՈՒՆԵԼՈՒԹՅԱՆ ԶՆՆՈՒԹՅՈՒՆ

2024

ՀԱՅՈՑ ԼԵԶՈՒ  
ԵՎ  
ՀԱՅ ԳՐԱԿԱՆՈՒԹՅՈՒՆ

ԹԵՍ 4

ԽՄԲԻ ՀԱՍԱՐԸ

ՆԱՏԱՐԱՆԻ ՀԱՍԱՐԸ

Հարգելի՝ դիմորդ

Խորհուրդ ենք տալիս առաջադրանքները կատարել ըստ հերթականության:

Ուշադիր կարդացե՞ք յուրաքանչյուր առաջադրանք: Եթե չի հաջողվում որևէ առաջադրանքի անմիջապես պատասխանել, ժամանակը խնայելու նպատակով կարող եք դրան անդրադառնալ ավելի ուշ:

Թեստ-զրոյլի էջերի դատարկ մասերը կարող եք օգտագործել սևազրույթան համար:

Եղե՛ք ուշադիր պատասխանների ձևաբուղբը լրացնելիս.

- ✓ ընտրովիլ պատասխանով առաջադրանքներ՝ 1-32-րդ և 46-66-րդ. տվյալ սյունակի՝ Ձեր ընտրած տարրերակի համարին համապատասխանող վանդակում դրե՛ք X նշանը (միննույն սյունակի մեկից ավելի վանդակներում ցանկացած նշում կհամարվի սխալ),
- ✓ կարճ պատասխանով առաջադրանքներից՝
  - 33-38-րդ և 67-69-րդ. 8-ական վանդակների համապատասխան համարի (համարների) տակ դրե՛ք X նշան (նշաններ),
  - 39-44-րդ. տվյալ վանդակներում գրե՛ք առաջադրանքների սկահանջներին համապատասխանող թվերը:

Մաղթում ենք հաջողություն:

## Ա մակարդակ

**1** Ո՞ր շարքի բոլոր բառերի բաց բողած տեղում է գրվում փակագծերում նշված տառը:

- 1) անհողող-, մակար-ուկ, ար-ուկ, հար-աքանդակ (**դ**)
- 2) բ-կտել, ընդելու-վածք, հիպնո-, քեռախույ- (**զ**)
- 3) կատարա-ու, գլուխկոն-ի, վեհապան-, ատաղ-ազործ (**ծ**)
- 4) ժպիր-, արհամար-ել, հեղ-եղուկ, Զրօր-նեք (**հ**)

**2** Ո՞ր շարքի բոլոր բառերում է գաղտնավանկի թ-ն սխալ տեղադրված:

- 1) արծ(ը)վային, վաթսուն(ը)մել, հագ(ը)նվել
- 2) կայս(ը)րուիի, հրաձ(ը)գարան, մարմ(ը)նեղ
- 3) երկ(ը)րորդ, դստ(ը)րիկ, կտ(ը)րվածք
- 4) կրկ(ը)նություն, մրմ(ը)նջալ, կերակ(ը)րել

**3** Ո՞ր շարքի բոլոր բառերի վերջին վանկը չի շեշտվում:

- 1) մանր, հակակշիռ, որերորդ
- 2) մշտամրմունջ, միմիայն, ասես թե
- 3) միթե, վեհանձն, իհարկե
- 4) ծաղկափթիթ, վազր, պար զալ

**4** Ո՞ր շարքի բոլոր բառերում է ու-ն հնչյունափոխվել թ-ի:

- 1) սմվել, ջրարքի, արևմտյան
- 2) ըմպան, նշաճն, երեսնական
- 3) կռապաշտ, գլխիկոր, հրթիռ
- 4) թխպոտ, սնահավատ, սրամիտ

**5** Ո՞ր տարրերակում է տրված բառի հնչյունափոխված արմատը սխալ վերականգնված:

- 1) լկանք → լլուկ
- 2) խցիկ → խցց
- 3) գիտակ → գետ
- 4) դիտարժան → դետ

**6** Ո՞ր շարքի բոլոր բառերն են իրար հոմանիշ:

- 1) պաղատել, թախանձել, աղաչել, մորմոքել
- 2) պատնեշ, պատառուկ, պարիսայ, պատվար
- 3) վատարանել, պախարակել, անարգել, պարսավել
- 4) անիմաստ, անմիտ, անկաշկանդ, անհեթեք

**7** Ո՞ր շարքի բոլոր բառերն են կազմությամբ բարդ:

- 1) գնդասեղ, նրբերանգ, քաղաքակիրք
- 2) անտառապատ, պարտիզան, անդրրազիր
- 3) ընձառյուծ, վարդագույն, լուսազգայուն
- 4) հարգալից, ճառագայթ, հեռակա

**8 Ω°ρ շարքի բոլոր բառերում ածանցի հնչյունափոխություն կա:**

- 1) վերնահարկ, մշակութային, սփոռոց
- 2) միութենական, պտղամիս, փախստական
- 3) անասնակեր, վրձնահարված, ժողովրդավար
- 4) մարզական, առօրեական, հատկություն

**9 Ω°ր շարքի բոլոր բառերն են կազմված տրված նախածանցով:**

- 1) **առ-** առկախ, առնետորս, առինքնում
- 2) **արտ(ա)-** արտասուր, արտացոլք, արտաժամ
- 3) **աճ-** աճապական, աճարգարար, աճագագործ
- 4) **ապ-** ապերասան, ապաբախտ, ապառիկ

**10 Ω°ր տարրերակում բառի սխալ բացատրություն չկա:**

- 1) **ծխճի-**որոշ ժամանակ ծխի մեջ պահած, **խայտաճամուկ**-վառ և բազմազան գույններով
- 2) **ծերպ-**մի բանի մեջ բացված ճեղք, **օշարակ**-մրգահյութի ըմպելիք
- 3) **դիպակ**-գրական ստեղծագործության հատված, **ճարճատյուն**-քորրոքվելով վառվելու կրկնվող ձայն
- 4) **սնանկ**-նյութական միջոցներից զուրկ, **բանուկ**-միայն հետիոտների համար նախատեսված

**11 Ω°ր նախադասության մեջ **անգամ-ը** վերաբերական չէ:**

- 1) O~, չի եղել մեր գայլը պղնձյա Եվ ո՞չ մարմարինյա և ո՞չ անգամ քարե:
- 2) Նրա մորուքը սկսվում էր համարյա աչքերի տակից ու ծածկում ամբողջ երեսն ու կոկորդը. արծվային քիթն անգամ ծածկված էր մազերով:
- 3) Տվել եմ քեզ բախտս ամիսառ, Արևս, երկինքս Եվ ինչքս, որ անգամ Չումեի ես ինքս:
- 4) Ամենքը շտապում էին մահամերձ միլիոնատիրոց տուն, որ վերջին անգամ տեսնեն նրան և գուցե մի բան իմանան կտակի մասին:

**12 Ω°ր նախադասության մեջ հարակատար դերբայ կա:**

- 1) Սայթաբելով լարձում տախտակամածի վրա՝ քաշվեցի դեպի նավի ծայրը:
- 2) Մայրը ուշադիր հետևում էր, մինչև որ որդին անցակալած ճանապարհը:
- 3) Երեկոյան կողմ նավը հատեց հասարակածը՝ ուղղություն վերցնելով դեպի երկրագնդի հարավային քենորը:
- 4) Զեյթունը մի բուռ մոխրակույտ է դարձել. հիսուն հոգի են վերադարձել կոտորածից, և քաղաքն ավերակ է:

**13 Ω°ր նախադասության մեջ կրավորական սեռի բայ կա:**

- 1) Նա գնում էր մշուշով ծածկված ճամփեզրով՝ գլխահակ ու տիսուր խորհելով եղածի մասին:
- 2) Նա գլխաբաց էր, երեսը՝ անլվա, աչքերի սպիտակուցները՝ դեղնած, մազերը՝ զգգզված, դեմքը՝ մագաղաթի պես գունատ:
- 3) Լեռնը փաթաթվեց մոր պարանոցին և սկսեց բարձր ձայնով հեծկլտալ:
- 4) Արշալույսի բոստը ճառագայթները արտացոլվել էին ծովի բեկրեկուն ալիքների մեջ:

**14** **Ո՞ր շարքում են ճիշտ նշված բոլոր այն բառերի համարները, որոնք մակրայ են:**

Կանչում է **1. կրկիճ**, կանչում **2. անդադար**  
Են չքնաղ երկրի կարտոր անքուն,  
Ու թևերն **3. ահա** փուած **4. տիրաբար**՝  
Թուշում է հոգիս, թոշում դեսի տուն:  
Ուր որ հայրենի օջախի առաջ  
**5. Վաղո՞ւց 6. կարոսով** սպասում են ինձ  
Ու ձմռան երկար զիշերը **7. նստած**՝  
Խոսում են **Լոռու 8. հիճ-հիճ** բացերից:

- 1) 1, 3, 4, 5, 7
- 2) 2, 3, 6, 7, 8
- 3) 2, 4, 5, 7, 8
- 4) 1, 2, 4, 5

**15** **Ո՞ր նախադասության մեջ պատճառական բայ չկա:**

- 1) Ծնորհալին նորոգեց ու թարմացրեց ինչպես գրականությունը, այնպես էլ երաժշտական արվեստը:
- 2) Միանգամից վերացան իր սերնդակիցների թյուր պատկերացումներն աշխարհի և նրա կառուցվածքի մասին:
- 3) Նա միաժամանակ ցանկացել է մանուկներին սովորել տալ հայոց այբուբենը՝ նրա ամեն մի հերթական տառով սկսելով իր ոտանավորի տները:
- 4) Հատկապես կիլիկյան գրչատների ձեռագրերը շլացնում էին իրենց ճոխությամբ՝ երբեք, սակայն, չխախտելով չափի սահմանագիծը:

**16** **Ո՞ր նախադասության մեջ բաղադրյալ ստորոգյալ չկա:**

- 1) Նա հորս մտերիս ըմկերն է եղել և գործակիցը:
- 2) Դանդաղ է քայլում հոգնատանց իմ ձին, Եվ տաղտկալի է այս ուղին մոլոր
- 3) Եվ առավել լավ չէ՝ արդյոք, Որ մարդու ոտքը սայթաքի, Քան թե լեզուն:
- 4) Անց են կենում հիմնա օտար բաղաքների ճանապարհով:

**17** **Բարդ ստորադասական նախադասություններից ո՞րն է ճիշտ փոխակերպված պարզի:**

- 1) Դա նշանավոր հեղինակն էր «Կայծեր» վեպի, որ արդեն մի քանի ամիս շարունակ հայ երիտասարդության սրտերը բոցավառած «Կայծեր» վեպի նշանավոր հեղինակն էր:
- 2) **Ակամս սկսում ես հաշվել այս տարիները, որ ապրել ես հարազատներից հեռու:**  
Ակամա սկսում ես հաշվել հարազատներից հեռու ապրածդ տարիները:
- 3) **Եղմիկը, թեև ընտելացել էր մեզ, մեկ-մեկ մեզմից բարուն բարձրանալով պատշզամբ, լոիկ նայում էր անտառածածկ սարերին:**  
Չնայած եղմիկի՝ մեզ ընտելանալուն՝ մեկ-մեկ մեզմից բարուն բարձրանալով պատշզամբ՝ լոիկ նայում էր անտառածածկ սարերին:
- 4) **Նրան պառկեցրին, որ մի քիչ հանգստանա ճանապարհ ընկնելուց առաջ:**  
Նրան պառկեցրին՝ ճանապարհ ընկնելուց առաջ մի քիչ հանգստացնելու համար:

**18** Ո՞րն է պարզ համառոտ նախադասություն:


- 1) Դաշտը խոր նիրհել էր:
- 2) Այժմ անձրևում է:
- 3) Բոլորը գլուխ էին պահում:
- 4) Սենյակում չաղմկել:

**19** Պատասխանների ո՞ր տարրերակում են ճիշտ նշված բոլոր քարդ նախադասությունների ստորադաս նախադասությունների պաշտոնները:

- |   |                                  |
|---|----------------------------------|
| 1. Թեև հազին ուսումնական հանդերձանք էր, սակայն դա բնավ չէր նսենացրել նրա կանացի քովչանքը:   | ա. պայմանի պարագա                |
| 2. Թե հնար լիներ գտնել ձեռագիր մատյանների և մեղեղու գունային համապատասխանությունը, կստանայինք նրբահյուս մանրանկարների և զարդերի ձայնաշարեր: | բ. ժամանակի պարագա               |
| 3. Նա պարզ տեսնում էր, որ իր հրապույրը մարդկանց աշքում պայմանավորված է մեծ մասամբ իր հարստությամբ:  | գ. ուղիղ խնդիր                   |
| 4. Հենց ծնողների ցանկությունն էլ այն էր, որ նա մոռանար արտասահմանում կրթությունը շարունակելու մասին:  | դ. ստորոգելի<br>ե. զիջման պարագա |
- 1) 1-ա, 2-ե, 3-դ, 4-բ  
 2) 1-ե, 2-ա, 3-զ, 4-դ  
 3) 1-դ, 2-ա, 3-զ, 4-բ  
 4) 1-ե, 2-զ, 3-ա, 4-դ

**20** Ո՞րն է տրված նախադասության գծապատկերը:

Հայրս ինձ պատմում էր քաղաքացիական կրիվներից, որոնց մասնակցել էր Ուսաստանում, և նա կարծում էր, որ պատերազմի ամենածանր տեսակը հենց քաղաքացիական պատերազմն է:



**21** Ո՞ր նախադասության մեջ կետադրական սխալ կա:

- 1) Եթե չիներ հետաքրքրասիրությունը, մարդկությունը չէր զարգանա, և գուցե մարդկություն չիներ էլ:
- 2) Հնձվորը միտք արեց, ուսը քորեց, հետ դարձավ դեպի ձորը՝ հնձելու կորեկի արտը:
- 3) Թե ում էի պարտական իմ փրկության համար՝ ես այդպես էլ չիմացա, բայց այդ միտքն ինձ երկար ժամանակ տանջում էր:
- 4) Բաժակը, որ արդեն մոտեցրել էր շուրջերին, դրեց սեղանին և դիմեց մեզ անհանգիստ ու հուզված:

**22** Պատկերավորման-արտահայտչական ո՞ր միջոցն է գործածվել:

Կամելով գնալ ավելի ուժզին՝ բաղվեցի սաստիկ,  
Անշափին միտված՝ իմին չհասա,  
Բարձրագույններին ձգտելով անդուլ՝  
Նսխլին տեղից էլ զահավիժեցի,  
Երկնային ուղուց անդունդներ ընկա,  
Որքան ավելի շատ զգուշացա,  
Այնքան ավելի վճառ կրեցի....

- 1) համեմատություն
- 2) բաղաձայնույթ
- 3) հակադրություն
- 4) անձնավորում

**23** Ո՞ր տարրերակը տեղադրելու դեպքում քերականորեն և տրամարանորեն ճիշտ նախադասություն կստացվի:

*Հյուրանց մտնելով՝ իր որոնող հայացքն անմիջապես զցեց վահանակին, .....*:

- 1) մինչև հյուրանոցի ծառայողի հետ մի քանի բառ փոխանակելով
- 2) ուստի անտարբեր նայում էր բաց լուսամուտից դուրս
- 3) մի ակնթարք կանգ առնելով շեմին
- 4) որտեղ արդեն չկար հարևան սենյակի բանալին

**24** Նախադասությունները նշող թվերի դասավորության ո՞ր տարրերակն է համապատասխանում տեքստի տրամարանական և քերականական ճիշտ կառուցվածքին:

1. Հայաստանի տարածքում՝ Արագած լեռան վրա, Գեղամա լեռներում, Սյունիքում և այլուր, առկա են վաղնջական գծանկարչության վկայություններ՝ նախամարդու կողմից արված ժայռապատկերները:
2. Գծանկարչությունը կերպարվեստի հին տեսակ է. գծանկարչության հնագույն նմուշներից են ժայռերի, քարանձավների պատերին արված նկարները:
3. Հետագայում այն նոր վերելք ապրեց Հովհաննյանների, ապա Հ. Այվազովսկու, Վ. Սուրենյանցի, Ե. Թադևոսյանի, Մ. Սարյանի արվեստով:
4. Միջին դարերից սկսած՝ մեզ հայտնի են որմնանկարչության, մանրանկարչության այնպիսի նմուշներ, որոնցից երեսում է, որ հայկական գծանկարչությունը այն ժամանակ արդեն զարմանալի կատարելության էր հասել:

- 1) 2, 4, 1, 3
- 2) 1, 4, 2, 3
- 3) 2, 1, 4, 3
- 4) 1, 3, 4, 2

**25** Ո՞ր շարքի բոլոր հերոսներն են Ա. Շիրվանզադեի «Արտիստը» պատմվածքից:

- 1) Լևոն, Միքայել, Իցկոն
- 2) Ալմաստ, Կավալլարո, Չառչենկո
- 3) Լուկրեցիա, Անտոնինա, Չելինի
- 4) Լուիզա, սինյորա Ստեֆանիա, Մարքա

**26** Ո՞ւմ խոսքն է.

Սինչ դու գնացեր  
Եւ զերկիրս ամենայն ընդ քեզ տարար,  
Ես աւերակացս ո՞ւմ բազաւորեմ:

- 1) Հայկի («Հայկ և Բել»)
- 2) Արտավազդի («Արտաշես և Արտավազդ»)
- 3) Արա Գեղեցիկի («Արա Գեղեցիկ և Շամիրամ»)
- 4) Տիգրանի («Տիգրան և Աժդահակ»)

**27** Պ. Դուրյանի ո՞ր բանաստեղծությունից է տրված հատվածը:

Սսող մ'ալ ես կ'երթամ հավելու երկնից,  
Սսողերն ի՞նչ են որ, եթե ոչ անրիծ  
Եվ քշվառ հոգվոց անեծք ողբազին,  
Որք թրոին այրել ճակատն երկնին...

- 1) «Սիրել»
- 2) «Տրտունջը»
- 3) «Ին ցալը»
- 4) «Լճակ»

**28** Տրված հատվածներից որո՞վ է ավարտվում Հ. Պարոնյանի «Մեծապատիվ մուրացկանները» վեպը:

- 1) «Մենք կը հրատարակենք սույն գործն՝ ոչ այնքան մեղադրելու նպատակավ ազգային խմբագիրներն, հեղինակներն, բանաստեղծներն և այլն, որքան ներկայացնելու համար ապագա սերնդյան՝ ժամանակիս գրական մարդոց ողբալի կացությունն և գրականության մասին ազգային մեծատուններու սարսափելի անտարբերությունը»:
- 2) «Մեծատուններն ալ կը հիշեն Արիստոն աղան, երբ գրական մարդ մը անոնց մեկնեասությունը խնդրե:

  - Արիստոն աղա չենք մենք,- կ'ըսեն»:

- 3) «Երբ երկու-երեք հեղինակք մեկտեղին, «Ինտոր փախուցինք սա Արիստոն աղան» կ'ըսեն ու կը խնդրան քիչ մը: Իսկ երբ ոյրամական տագնապի մեջ գտնվին, «Աստված, Արիստոն աղա մը դրկե մեզի» կ'ըսեն և իրենց մտքով ալ կը հավելուն. «Խնդրեցե՛ք զԱրիստոն աղան, և ամենայն ինչ հավելցի ձեզ»:
- 4) «Այսպես ուրեմն, կարգվելու նպատակով Պոլիս եկողն աղջիկ մ'իսկ տեսնելու ժամանակ չունեցավ և, ինչպես կ'ըսեն, բուրդ ու բապուճ փախավ մայրաքաղաքես»:

**29** Ո՞ր բառն է բաց քողած:

.....սերունդների  
Աչքն է դիպել լույս գազարին  
Ու անցել:

- 1) Խորհապահար
- 2) Մահախորդապ
- 3) Աստանդական
- 4) Եղեռնապուրծ

**30** Տողերի դասավորության ո՞ր տարրերակն է ճիշտ:

- ա. Իմ բացված սրտում հնչում է մի երգ
- բ. Կարծես կանչում է ինձ մի քննուշ ձեռք
- գ. Անտես զանգերի կարկաչն եմ լսում
- դ. Կարծես քե մեկը ինձ է երազում

- 1) գ, թ, դ, ա
- 2) ա, թ, գ, դ
- 3) գ, ա, դ, թ
- 4) ա, գ, դ, թ

**31** Մուրացանի «Գևորգ Մարզպետունի» պատմավեպում ինչո՞ւ է Աշոտ Երկարն ամուսնանում Սահականույշի հետ:

- 1) Տուրք է տախս արքայամոր վաղեմի ցանկությանը:
- 2) Նպատակահարմար է համարում քաղաքական նկատառումներով:
- 3) Դրանով ցանկանում է ցավ պատճառել Սյունիքի իշխանին:
- 4) Ժամանակավոր հրապուրանքը սիրո հետ է շփոթում:

**32** Ա. Բակունցի ո՞ր ստեղծագործությունից է տրված հատվածը.

«Միակ ժամացույցն ինձ մոտ էր: Մի օր էլ բլրակը բարձրանալիս ուղար սայթաքեց, ընկա սառույցի վրա, գրպանիս մեջ ժամացույցը փշրվեց և մինչև տարվա վերջ մնացի առանց ժամացույցի: Արև օրերին ստվերով էինք ժամ որոշում, թխսած ժամանակ՝ երբ հոգմեինք»:

- 1) «Աքնաձոր»
- 2) «Ալպիական մանուշակ»
- 3) «Սիրիավ»
- 4) «Խոնարհ աղջիկը»

**33** Ո՞ր բառերում ուղղագրական սխալ կա:

1. մատրվակ, 2. առընթեր, 3. որձկալ, 4. լնդդարմանալ, 5. մտածածին, 6. խափիշիկ,
7. հանդիպակաց, 8. կցկվել

**34** Ո՞ր բառերի առաջին արմատն է միավանկ:

1. երախտամոռ, 2. գարեջուր, 3. ուսումնատենչ, 4. բարձրուղեց, 5. ագելվազ,
6. տարեղարձ, 7. հայրենաղարձ, 8. ճամփարաժան

**35** Ո՞ր նախադասություններում անուղղակի խնդիր կա:

1. Ու ձորի գլխին մոլորված կանգնած՝ Նայում է ներքեւ՝ սիրտը սևակնած:
2. Հանկարծ մրրկաշունչ կայծակը չոր ճայթյունով բախվեց ժայռին, շպրտվեց մի կողմ և բաղվեց գետնի մեջ:
3. Ժայռը նիրիելով ունկնդրում է ամպերի շրջունը, մարենին իր ծաղկաբաժակը պահել է ոսկեզօծ արևի տակ, և կանաչ դաշտում արածում է մի աստղագարդ ձի:
4. Անկեղծության պահերին միշտ ներողություն էինք խնդրում մեզնից նեղացողներից:
5. Սիրիավը, հանգիստ քուջուշ անելով, փոխում էր արնագույն տոտիկները և կտուցով քրքրում լորենու փափուկ տերևները:

**36 Նախադասության անդամներից որո՞նց ձևաբանական վերլուծությունն է սխալ:**

*Նա հայացքով փնտրում էր կարճահասակ ինչ-որ մեկին, որ կաղալով քիչ առաջ արագ-արագ շրացել էր այդ տվող բազմության ծովում:*

1. **արագ-արագ** – ձևի մակրայ
2. **մեկին** – թվական, որոշյալ առում
3. **շրացել** էր – սոսկածանցավոր բայ
4. **առաջ** – կապ, հետադրություն
5. **որ** – ստորադասական շաղկապ
6. **կաղալով** – անորոշ դերբայ, գործիական հոլով

**37 Ո՞ր նախադասություններում ածական կա:**

1. Բուրմունքից արբեցած մի բգեղ քնել էր առէջների մեջ:
2. Թուղթը, որ տատս դրեց սննդուկի մեջ, մեզ համար դարձավ ամենից թանկը:
3. Սի փրկություն կա միայն, Լոկ մի ճանապարհ:
4. Օժտի՛ր այնափսի շենք ու շնորհքով, Որ ես քո հասկի շշուկը դառնամ:
5. Սի սովոր եկավ հեռու մի բակից, Խլացավ այգու դարպասի վրա:

**38 Ո՞ր նախադասություններում մեկից ավելի բութ պիտի դրվի:**

1. Նրանք լոելյայն ձիերն էին համեմատում իրար ուշիուշով դիտում որոշելու որի ձին կտանեն որինը կրողնեն որի սանձն ու թամբը տերը շալակած տուն կրերի:
2. Թող տեսնեն ու իմանան, որ Գայլ Արշավիրն օրհասական ժամին իրենց հետ է մտածեց նա ձեռնափայտին կորնած դուրս ելավ դաստակերտից քայլերն ուղղելով բլուրն ի վեր:
3. Երկար որոնելուց հետո գտա տունը և պարզեց տանտեր Գևորգ Հակոբյանը Զերմուկում է բուժվելու է գնացել:
4. Ամեն անգամ օտար երկրներում շրջագայելիս նոր աշխարհներ տեսնելու հաճույքի հետ ճիշտն ասած մեջս միշտ ապրել է տուն վերադառնալու սպասման երանությունը:
5. Տուն հասնելու հենց հաջորդ օրը ավտոմեքենա պիտի նստեն ու գնամ թալինի շրջանի գյուղերից մեկը Վերին Սասնաշեն ուր ազգականներ շունեմ իսկ ընկերներ շատ:

**39 Քառագույզերից քանի՞սն են կազմված հոմանիշներից:**

ասպանջական–իյուրընկալ, ամբողջ–բովանդակ, լաջվարդ–քիլ, սևեռուն–անքքիթ, կերկերուն–խրթին, տարտամ–անորոշ, այլազան–տարբեր, շնորհագուրկ–ապիկար

**40 Քառերից քանի՞ն տրում կա:**

հնանալ, լուսավոր, պատանյակ, ակնթարթ, ձեղնահարկ, երևութական, կորստյան, պատմագիր

**41 Տրված գոյականներից քանի՞սն են դրված բացառական հոլովով:**

մերոնց, հանպատրաստից, վաղուց, ձիուց, պատարագից, բարդուց, դեղնուց, կտուց

**42**

**Նախադասություններից քանիստ՝ մ ժամանակի պարագա չկա:**

- Զրտութի այդ գիշերներին լուսինը շողը էր գցում առվի մեջ:
- Սինչև զարիվայրի սկիզբը ճանապարհն անցնում էր փոքրիկ տափարակով:
- Ամպամած այդ օրից հետո չեմ քարձրացել բրուտների ճանապարհով:
- Երբեմն ինձ հարցնում է իմ տեսած քաղաքների, իմ կարդացած գրքերի մասին:
- Նայում եմ ամպին ու մտածում, թե Անդոն երբ է հասցրել ընկալել այդ ամենը:

**43**

**Նախադասության անդամներից քանիսի՝ շարահյուսական վերլուծությունն է սխալ:**

*Հաջորդ օրը՝ վաղ առավոտյան, որդին վերադարձավ Աշտիշատի վանքից և մորք տեղյակ պահեց իշխանի անսպասելի ժամանելու մասին:*

- **Վաղ առավոտյան** – ժամանակի պարագա
- **մորք** – հանգման անուղղակի խնդիր
- **վանքից** – անջատման անուղղակի խնդիր
- **տեղյակ պահեց** – պարզ ստորոգյալ
- **իշխանի** – հատկացուցիչ
- **ժամանելու մասին** – վերաբերության անուղղակի խնդիր

**44**

**Հատվածներից քանիսի՝ դիմաց է ճիշտ նշված, թե որ հայերենով է այն:**

- Տեղ ուկի տեղայր ի փեսայութեանն Արտաշիսի:- *զրարար*
- Յետ այսօրիկ ապատամքեաց ի թագաւորին հայոց եւ ձեռին իշխանութեանն տանն հայոց թագավորին: - *միջին հայերեն*
- Երբ կու ծաղկին միտքս ու հոգիս, լեզուս իմ հանց պըտուղ կու տայ: - *միջին հայերեն*
- Նա կը հիշեցնէ այն չքաղված խաղողի հատիկը, որ կեցած տեղը, թիրս հպումներե հեռու բռումելով, ավելի ևս կը քաղցրանա: - *արևմտահայերեն*
- Են լեզվներումք նրանք կարդում էին երևելի մարդկանց գործերքը, նրանց արածներն ու ասածները: - *արևմտահայերեն*

**45**

**Տրված 6 պնդումներից յուրաքանչյուրի համար ընտրել ճիշտ է, Միսալ է, Չգիտես տարբերակներից որևէ մեկը:**

1. **Ո՞ր, քանի՞՝** հարցական դերանուններից **-երորդ** ածանցով կազմվում են թվականներ:
2. Դերանվան բոլոր տեսակները պարունակում են այնպիսի միավորներ, որոնք կարող են հանդես գալ ենթակայի պաշտոնով:
3. Հարաբերական դերանունները, ի տարբերություն ստորադասական շաղկապների, դառնում են նախադասության անդամ:
4. Առարկա ցույց տվող դերանուններից ոչ բոլորն ունեն և՛ եզակի, և՛ հոգնակի թիվ:
5. Բոլոր անձնական դերանունները թե՛ եզակի, թե՛ հոգնակի թվում հոլովկում են գոյականներից տարբեր՝ դերանվանական հոլովմամբ:
6. Ցուցական դերանունների մի մասը կազմված է **այս, այդ, այն** և **պես, քան, ինչ, չափ,** **տեղ** քաղադիչների միացումով:

## Բ մակարդակ

**46** Ո՞ր շարքում են ճիշտ նշված բոլոր այն բառերի համարները, որոնցում ուղղագրական սխալ չկա:

Երրենն(1), երբ ընկնում էր խարնիխուուն(2) մտքերի լարիրինքոսը, և հոգին փորորկ- վում էր մրրկածուփ(3) օվկիանոսի(4) պես, հիշում էր այն աղքատիք(5) շրջանը, որ իր հոգին անդրություն(6) էր գտել, և նրա առջև հառնում(7) էր մի դեմք՝ նրաիկ(8) ու համեստ, քայլ առժանապատիք(9): Կրծքից արձակելով զղման(10) հառաչանք՝ խորհում էր, որ իր ապօրինի(11) զգացումներով ուժնահարում է մի ամրասիր(12) աղջկա անուն:

- 1) 1, 3, 5, 7, 8, 9, 12
- 2) 2, 3, 5, 6, 8, 10, 11
- 3) 1, 3, 4, 7, 10, 11
- 4) 2, 4, 5, 6, 7, 10, 12

**47** Ո՞ր շարքի բոլոր բառերի բաղադրիչներն են գրվում անջատ:

- 1) դեմ(հանդիման), տարուց(տարի), ի(դեպ)
- 2) Սանկտ(Պետերբուրգ), առոք(վառոք), ալ(կարմիր)
- 3) երեք(հազար), ի(զուր), ձեռք(ձեռքի)
- 4) ըստ(իս), մի(երկու), ընդ(հատակ)

**48** Ո՞ր շարքի բաղադրյալ հատուկ անունների միայն առաջին բաղադրիչն է գրվում մեծատառով:

- 1) ՇԻՐԱԿԻ ԼԵՌՆԱՇՎՂԱՄ, ՇՊԻՅԲԵՐԳԵՆԻ ԱՐՇԻՊԵԼԱԳ, ՊԵՏՐՈՍ ԱՌԱԶԻՆ
- 2) ԿԻԼԻԿԻԱՅԻ ԹԱԳԱՎՈՐՈՒԹՅՈՒՆ, ՊԱՅՑԱՌԱԿԵՐՊՈՒԹՅԱՆ ՏՈՆ,
- ՍՈՍԿՎԱՅԻ ԼԱԶԱՐՅԱՆ ՃԵՄԱՐՄՆ
- 3) ԶԻՆԱԿԱՆ ՊԱՐԻՍՊ, ՊԱՍԱՍԱՅԻ ԶՐԱՆՑՔ, ՊԱՐԱԳՎԱՅԻ ՀԱՆՐԱՊԵՏՈՒԹՅՈՒՆ
- 4) ՇԱՍԻՐԱՄԻ ԿԱԽՈՎԻ ԱՅՋԻՆԵՐ, ԹԱՐԵՎՈՍ ԱՌԱՋՅԱԼ, ՊԻՐԵՆԵՅՅԱՆ ԹԵՐԱԿՂՋԻ

**49** Փակագծերում տրված բառերից կամ բառաձևերից մեկը տվյալ նախադասությանը համապատասխանում է, մյուսը՝ ոչ. լուծման տարբերակներից ո՞րն է ճիշտ:

- ա. Առաջադեմ գրողը իր հայրենիքի դիվանագետներին կիուշի խոսք բացել հայերին պատճառված վնասի մասին և վեհանձնաբար հանձն առնել վնասի (1. հատուցումը, 2. հարուցումը):
- բ. Երիտասարդը (1. ասպանդակեց, 2. ասպատակեց) ձիմ։ նա պոկվեց տեղից ու սլացավ։
- գ. Առավոտից մինչև առավոտ ոտքերիդ ներքեւում ես քեզ եմ հսկում (1. անշեզ, 2. անխնիզ) ու արթուն։
- դ. Հոգնած ու հուսարեկ ընկավ դռան առջև՝ մի քարի վրա, (1. խորշոմած, 2. խորազին) ճակատը սեղմեց չոր ծնկներին։

- 1) ա-1, թ-1, զ-2, դ-1
- 2) ա-2, թ-2, զ-1, դ-1
- 3) ա-1, թ-2, զ-2, դ-2
- 4) ա-2, թ-1, զ-2, դ-1

**50** Ո՞ր տարրերակի ընդգծված բառերն են համանուններ:

- 1) Զին **անարգել** թռավ վերջին ձողապատճեցի վրայով:  
Անցել էինք ամրոցի բոլոր պահակակետերն **անարգել**:
- 2) Իրիկնաժամին թփերն օրորող հովի պես թերևն Սի ուրու **անցավ**, մի գունատ աղջիկ՝ ճերմակ շորերով:  
**Անցավ** անտես ու աննման էն սիրունը աշխարհից, Ինչպես ծաղիկն անցած գարնան, որ չի ծաղկի էլ նորից:
- 3) Մայրը խմորի **գունը** թողեց սեղանին ու դուրս եկավ:  
Սյունյաց ուխտադրուժ **գունը** պարսից զորքի աջ թևում էր:
- 4) Անձրևի **ծանր** կաթիլները բափկում էին ցած:  
**Ծանր** ժամեր անցկացրինք նրան սպասելիս:

**51** Ո՞ր շարքի բոլոր բառերը մեկից ավելի ածանց ունեն:

- 1) անփութորեն, տմարդի, կանխատեսում, հակակրանք
- 2) առաջին, բացահայտիչ, դիպվածաբար, գերադասելի
- 3) անտրամադիր, ծածկադմիոց, վարորդական, կառուցապատում
- 4) մշակութային, համակարծիք, պահակային, գետնատարած

**52** Ո՞ր տարրերակում դարձվածքի իմաստի սխալ բացատրություն կա:

- 1) **զիսով քամի անցնել** – դատարկ բաներ մտածել, **ծնոտը բոլացնել** – շատախոսել
- 2) **սրտից ջուր խմել** – ցանկացածի պես խոսել կամ վարվել, **արկի երես հանել** – բացահայտել
- 3) **բաժակը լցվել** – համբերությունը հատնել, **կրակի վրա ջուր լցնել** – կրքերը հանդարտեցնել
- 4) **բռչունի թևով** – շատ արագ, **պատի ծեփ դառնալ** – խիստ համառել

**53** Ո՞ր շարքի բոլոր բառերն են անորոշ դերանուններ:

- 1) որեւէ, ինչ-որ, ուրիշ
- 2) այսինչ, ուր, որոշ
- 3) ոմն, մի քանի, ոչ մեկը
- 4) այլ, երբեկիցն, որքան

**54** Ո՞ր նախադասության մեջ բայի սխալ ձև կա:

- 1) Սարի լանջին բուսած մանուշակները բացել էին աշխիները և ժպտում էին արևին:
- 2) Գարնանային արևը հալեցրել էր ձյունը, ու վարարած գետերը դուրս էին եկել իրենց ափերից:
- 3) Ծովի մեղմօրոր ալիքները դիպչեցին նրա մերկ սրումքներին, և նա սրբարթաց:
- 4) Եզուր մի՛ մտահոգվիր. քեզ բողնող չկա, որ կեսզիշերին տուն գնաս:

**55** Ո՞ր շարքի բոլոր բառերի հոգնակի թիվն է կազմվում -*Անը* վերջավորությամբ:

- 1) խաչակիր, վաչկատուն, վագր, վիպագիր
- 2) շիկամուկ, վառելանյութ, կաթնասուն, հերթապահ
- 3) սերմնացան, ոտնաձայն, անասնապահ, հրձիգ
- 4) չափահաս, այգեգործ, դաշույն, ճրիակեր

**56** **Ո՞ր նախադասության մեջ քայի հարկադրական եղանակով արտահայտված ստորոգյալ չկա:**

- 1) Ուր էլ որ լինեմ, անձրևն սկսվելուն պես պիտի մի առանձին հաճույքով կանգնեմ նրա տակ ու թույլ տամ, որ թրջի ինձ իմնովին:
- 2) Նա ինձ ասաց, որ ես նոր եմ ոտք դնում կյանք և պետք է իմանամ, թե դեռ ինչեր են սպասում ինձ:
- 3) Գյուղի մեծ փողոցը մեր տաճ առաջով էր անցնում. ուրիշ գյուղից եկողը մեր տաճ կողքով պիտի գնար:
- 4) Պետք է պատրույգը բարձրացնել, և մինչև ձերը հատնի, ավարտել անկրկնելի օրերի պատմությունը:

**57** **Ո՞ր նախադասության մեջ հոդի գործածության սխալ չկա:**

- 1) Կանչենք այն մարդկանց, որոնք սպասում են իրենց մրցանակներին, պարզեներին կամ որևէ այլ նվերին:
- 2) Ամռան երկար օրերին էլ արևն հազիվ մի քանի ժամ է լույս տալիս Մթնաձորի անտառներին:
- 3) Լուրն ստանալուն պես հասկացա, որ կյանքը անակնկալ է պատրաստել ինձ համար:
- 4) Այդպիսի խորհրդանիշ օգտագործում է ամեն երկիրը:

**58** **Ո՞ր նախադասության մեջ համաձայնության սխալ չկա:**

- 1) Քննելուց առաջ տաճ դուռը փակում էր կամ պապս, կամ մեծ հորեղբայրս:
- 2) Պարզ դարձավ, որ ամբոխը չեն հավատում իրենց առաջնորդին:
- 3) Եվ Զանգու գետի ափին հանգստացողների ուրախ աղմուկը, և՝ ծաղկած ծառերի բույրը հոգիու լցնում է քաղցր զգացողությամբ:
- 4) Պատուիհանց երևացող սարը՝ ձյունաճերմակ գագարով, նրա փեշերին փոփած անտառը՝ եղևնիների ու թևկիների իխտ շարքերով, ինձ հրաշք թվաց:

**59** **Ո՞ր նախադասության մեջ քացահայտիչ չկա (նախադասությունները կետադրված չեն):**

- 1) Գնա և պատգամիր հանուր աշխարհին հարավին հյուսիսին արևելքին արևմուտքին երջանկության իմաստը:
- 2) Եղնիկը գիտեր որ ինքը դողանջուն անտառների ազատ երեխան ծնվել է այդ հեռու անտառներում:
- 3) Կայսրը որպես երկնքի որդի հավակնում էր կարծել թե իրավունք ունի տիրելու ինչպես մարդկային տարերքին այնպես էլ բնությանը:
- 4) Երազի նման գիշեր է այսօր Մարմարե գիշեր անեզր անսահման:

**60** **Ո՞ր նախադասության մեջ քառակապակցությամբ արտահայտված որոշիչ կա (նախադասությունները կետադրված չեն):**

- 1) Վայրի աղավնին կուրծքը վիրավոր Ընկել էր մենակ աղբյուրի եզրին:
- 2) Գրողը ձգտում է հասնել աստվածային կատարելության:
- 3) Վար անող գյուղացին հանկարծ մի կավե կծուծ է գտնում:
- 4) Երբ նա արցունքից թեքնացած ու հանգստացած բարձրացրեց գլուխը աղջիկն արդեն գնացել էր:

**61** Ո՞ր նախադասության մեջ են լնդգծված երկու բառերն ել կապեր:

- 1) Ավին հիմա էլ ողջ է, շնայած սովորական մարմնի վրա գլխի փոխարեն մարդկային գանգ է՝ ամրողովին կլպված, առանց մազի, առանց մորթու:
- 2) Հոր տնից վերադառնալուն պես Սանդուխտը սկսեց արագ-արագ հավաքել տնով մեկ թափրիած իրերը, նախքան սկեսուրը կօքար եկեղեցուց:
- 3) Նրա հայացքը արձանի նման սևոված մնաց մխացող օջախին, մոխրի մոտ չոքած կնոջը. որտե՞ղ էր տեսել նա նման մի դեմք:
- 4) Հույների նավերը հետ էին դառնում այն նավահանգիստը, որ վաղուց չէր, ինչ բողել էին՝ դեպի մեծ Տրոյա նավելու համար:

**62** Ո՞ր նախադասության դերբայական դարձվածի պաշտոնն է սխալ նշված:

- 1) Այդ օրերին նրան համարում էին միջոցառումների լավագույն վարողը, և շատերն էին նրան դիմում: (*ստորոգելի*)
- 2) Բեռլինյան այս տաճ լուսամուտների տակով անցնելիս օտարերկրացիները հաճախ էին կանգ առնում: (*ժամանակի պարագա*)
- 3) Հաճախ մի շաբաթվա հացի փողը ես ծախսել էի, որ գնամ՝ գոնե մի բոպե նրան տեսնելու: (*նպատակի պարագա*)
- 4) Իմ մասին ասված այս միամիտ գովասանքը ինձ մի փոքր մխիթարեց: (*ձևի պարագա*)

**63** Ո՞րն է բարդ նախադասություն (նախադասությունները կետադրված չեն):

- 1) Չնայած որ գործարանները միմյանցից հեռու են ծխերը իրար խառնվելով կազմում են մի անթափանց քանձրություն:
- 2) Շատերն էին գալիս այստեղ գործով կամ զրույց անելու և ժամանակ անցկացնելու համար:
- 3) Զիավորների մի մեծ խմբի առջևից գնում էր շքեղ զգեստներով փաշան շրջապատի կոտորածին անտարբեր:
- 4) Այստեղ ես ավելորդ չեմ համարում մի քանի կրծատումներով և առանց փոփոխելու վկայակոչել իմ այն ժամանակվա հատուկ ոճն ու լեզուն:

**64** Ո՞ր նախադասության մեջ ստորակետ չպիտի դրվի:

- 1) Աղելինան հազել էր մետարյա զգեստ կիսակարճ թիքերով և մազերը հավաքել նուրբ ժապավենով:
- 2) Իրար հանդիպում էինք վերիիշելու քսանականների Երևանը և հաճախ էինք քննարկում ներկան ու ապագան:
- 3) Նորից հին մտքերից խոռվվեց հոգիս և որոշեցի գնալ Ասպրամի խուցը դուրս թերելու այդ թշվառ կնոջը աշտարակից և վերադառնելու նրան իր տիկնությունը:
- 4) Դպրոցում մեզ վայելչագրության յուրատեսակ ձև էին սովորեցնում և ստիպում մանր-մանր տառերով գրել դա ամենին դուր չէր գալիս հայրիկին:

**65** Հ. Թումանյանի «Անուշ» պոեմում ո՞վ է Անուշին խորհուրդ տալիս.

*Թելալիս ես՝ վարդ ես ուզում՝  
Մայիս կօտ, միքիչ կաց,  
Թելալիս ես՝ յարդ ես ուզում,  
Այս նս գնաց, նա գնս ց...*

- 1) ընկերուիին
- 2) Անուշի մայրը
- 3) ծերունին
- 4) անցկոր ախաղերը

**66** Ω՞ր տարբերակը պետք է տեղադրել բաց քողած տեղում:

*Անտառում խորին խորհուրդներ կային,  
..... կային անտառում,  
Օրոր էր ասում աշունն անտառին,  
Սակայն անտառի քունը չէր տանում:*

- 1) Խոնավ բուրմունքներ
- 2) Եվ արձագանքներ
- 3) Կապույտ մշուշներ
- 4) Մարդկային հետքեր

**67** Տրված հատվածում համարակալվածներից որո՞նք են գոյական:

Ե՛վ 1. հայոց մեր 2. շարժուձևով, որն այնքան 3. բան է ասում, և ծնկներին 4. խսիելն ու 5. պայթուն ծիծաղը, և հայերեն բառը, 6. նայվածքը, ժպիտը զարմանալի այս 7. ցեղի զորավոր 8. հարնումն են ցուցադրում:

**68** Ω՞ր նախադասություններում նպատակի պարագա կա:

1. Զեռքը երկարեց՝ դուռը բաց անելու, բայց հանկարծ սկսեց լաց լինել մանկան նման:
2. Երբ էս հին աշխարհը մտա ես տաղով, սազով, քամանչով, «Ի՞նչ պիտի անի աշխարհում էս անմիտ-անճարը», - ասին:
3. Ինչի՞ց, ինչի՞ց խոռվեցիր, Գոնե պատճառն իմանամ:
4. Քեզ փորձելու համար եկա, Հո չի՞ փոխել կյանքը քեզ:
5. Նա երբեք չէր մտածել, որ կավը, բացի թասերից, գավերից, փարչերից և աղյուսներից, կարելի էր օգտագործել և անմահության համար:
6. Նրա համոզմամբ արձաններ քանդակելու գյուտը բացառապես պատկանում էր իրեն, որովհետև նա չէր տեսել՝ արձանն ինչպես են քանդակում:

**69 Ո՞ր մտքերն են բխում տեքստի բովանդակությունից կամ չեն հակասում նրան:**

1982 թվականին անզիշացի հետազոտող Զ. Ֆարմանը Անտարկտիդայի վրա հայտնաբերեց մթնոլորտային շերտի ճեղքածք՝ ավելի քան 1000 կմ տրամագծով: Սա մեծ տագնապ առաջացրեց. չէ՞ որ օգնային ճեղքերը խիստ փունգավոր են կենդանի օրգանիզմների համար: Այդ շերտը պաշտպանում է Երկրի մակերևույթը Արևի ուղարամանուշակագույն ճառագայթներից՝ թույլ չտալով դրանց՝ չափից մեծ քանակի ներթափանցումը: 1985-ին ընդունվում է Վիեննայի համաձայնագիրը՝ օգնային շերտի պահպանման վերաբերյալ, բայց որի՝ ճախատեսվում է պարզել օգնային շերտի քայլայնան պատճառները և միջոցներ ծեռք առնել դրանց վերացման ուղղությամբ:

Բայց մինչ գիտնականները գրաղված էին այս ուսումնասիրություններով, 1992-ին մեկ այլ ճեղք հայտնաբերվեց, այս անզամ՝ Արկտիկայի վրա, հետո՝ Ուրալյան լեռների հատվածում: Ուսումնասիրողները երկար տարիներ ենթադրում էին, որ օգնային շերտի նուրացման ու ճեղքերի գոյացման գիսավոր մեղավորը մարդու արդյունաբերական գործունեությունն է, հատկապես այնպիսի օգնաքայլության նյութերի արտադրությունը, որոնցից է, օրինակ, ֆրեոնը, որը լայն կիրառություն ունի սառեցնող սարքերում:

Հակառակ ապացուցեցին հետագա հետազոտությունները. օգնային ճեղքերը ոչ մի կապ չունեն մարդու գործունեության հետ: Դրանց գոյացումը կապված է Երկրի առանցքի, ուստի և բնեուների աստիճանական փոփոխման հետ, ինչի պատճառով մոլորակի որոշ հատվածներում թուլանում կամ լրիվ բացակայում է մազնիսական դաշտը: Նման վիճակ մեր մոլորակը առաջին անգամ չէ, որ տեսնում է, և դա բնակչիմայական լուրջ փոփոխությունների է հասցնում՝ ազդեցով և կենդանիների, և՝ մարդու վրա:

1. Օգնային շերտը խիստ կարևոր է կենդանի օրգանիզմների համար, քանի որ այն պաշտպանում է Երկրի մակերևույթը ուղարամանուշակագույն ճառագայթներից:
2. Ըստ գիտնականների վերջնական եզրակացության՝ օգնի քայլայնան պատճառը մարդու արտադրական գործունեությունից առաջացող որոշ նյութերն են:
3. Երկիր մոլորակի բնեուների փոփոխվելը, որ պարբերաբար ի հայտ եկող երևույթ է, ազդեցություն ունի նրա մազնիսական դաշտի վրա:
4. 1982-ին գիտական շրջաններում անհանգստություն առաջացրեց Անտարկտիդայի և Ուրալյան լեռների վրա հայտնաբերված մթնոլորտային շերտի՝ 1000 կմ տրամագծով ճեղքածքը:
5. 1985-ի համաձայնագրի հիման վրա ձեռք առնված միջոցները ել ավելի բարեգարին իրավիճակը. ճեղքեր առաջացան երկրագնդի նաև այլ վայրերում:

**70 Տրված 6 պնդումներից յուրաքանչյուրի համար ընտրել Ծիշտ է, Միալ է, Չգիտեմ տարբերակներից որևէ մեկը:**

1. Ուղիղ խնդիր լրացում կարող են ստանալ միայն ներգործական սեղի քայերը:
2. Ուղիղ խնդիր ունեցող նախադասությունը կրավորական կառույցի վերածելիս ուղիղ խնդիրը դառնում է ենթակա կամ ներգործող խնդիր:
3. Ենթակայական դերբայր կարող է ունենալ ուղիղ խնդիր լրացում:
4. Ուղիղ խնդիրը ցույց է տալիս այն առարկան, որը ներգործում է ենթակայի վրա:
5. «**Նա որոշել է դառնալ օդաչու**» նախադասության մեջ **օդաչու** բառը ուղիղ խնդիր է:
6. Ուղիղ խնդիրը կարող է արտահայտվել կապական կառույցով: